

توزیہ

بوجہ اولیت مجلسین

ضبط اخبار کراچی

یوز قرق ایکنجی اجتماع
۲۱ تشرین ثانی ۱۳۳۸ صلی

مضمرجات

- ضبط سابق خلاصہ سی
- اوراق واردہ
- استانبولہ کیدہ جک ہیئتہ ویدیلہ جک مخصوصاتہ دائر دیوان ریاست قراری
- عدلیہ انجمنی مضبطہ لری

برنجی جلسہ

برامضاکرات

دقیقہ ساعت

۱ ۲۰

[رئیس — برنجی رئیس وکیلی حسین عونئی بک افندی]

کاتبلر : محمود سعید بک (موش) ، ضیا خورشید بک (لازستان)

برسؤال تقریرم واردی، حوالہ ایدلمش، حالبوکه ضبطہ کچمہ مش
دیمک کہ وکیل بک حوالہ اولنماش !
صلاح الدین بک (مرسین) — معلوم یا؛ مذا کرہ نک
بقیہ سی اتمام اولنمہ مشدر . جلسہ علنیہ دہ او قونہ میان
تقریر دن بحت ایدلمشدر . تقریر میداندہ یوق . یناء علیہ
تقریرہ عائد مسائل حل ایتمک لازمدر . یعنی خلیفہ نک
آناطولیہ کچیرلمسی حقندہ کی مسئلہ موضوع بحت
اولدیغندن فلان دیبہ برتقریر او قونولماش و رأیہ قونولماش
رئیس — ترجیحاً مذا کرہ می اسامی قبول ایدلمش
باشقہ سوز ایستین واری ؟
حسین بک (مرعش) — امانات مبارک کی تسلیم
دینمش؛ تقدیم دینسہ دہا ای اولمازی ؟

ضبط سابقہ مخصوصی:
رئیس — افندم ! اکثریت حاصل اولدی. جلسہ بی
آچیورم . ضبط سابق او قونہ جق، ضبط سابق خلاصہ سی
حقندہ سوز ایستین واری ؟
رئیس بک (سیواس) — افندم ! او قونان ضبطہ
استانبولہ کیدہ جک ہیئت میانندہ کی کاتبلرک اسمی تصریح
ایدلمہ مشدر . اسملرک تصریحی تکلیف ایدرم .
صالح افندی (ارضروم) — حبس خانہ دہ تیفسوس
ظہور ایتمشدر . داخلہ وکیلی بکدن سؤال تقریرم
واردی . حبس خانہ دہ (۴۵۰) آدم واردر . اورادہ
تیفسوس واردر . مملکتہ سرایت ایدہ جکدر . بونک ایچون
حبس خانہ لردہ تیفسوس ظہور ایتمدیکنہ دائر داخلہ وکاتندن

رئیس — دون بویه جریان ایشدر، تبدیل ایدمهیز .
افندم ! صالح افندینک تقریری درج ایدلمش ، برده
جلسه ده بولنش اولان کاتبک اسمی ذکر ایدلمش ،
بونلرک ا کالیله ضبط سابق تصحیحاً قبول ایدنلر لطفاً
ال قالدرسون ! قبول ایدلمشمر .

صلاح الدین بک (مرسین) — اسم فالیرینک باشنده
بر بک افندی تمیری وارد . بو تعیر بر تعیر صحیح ایه
دائماً هر یرده یازیلسون .

صلاح الدین بک (مرسین) — دائماً دوغریسی
یازیلسون ! مجلس ضبطلرنده یا ککش وضعیت اولماسون ! بونی
دوغری بیلوروز . بناء علیه دیوان ریاستدن ده بویه
یازیلسون .

عثمان بک (لازستان) — رئیس بک بنده کنزک بر
تقریرم واردی . مأمورینک عزل ونصبه دائردر . بو
سکز آی سورونجه مهده قالمشدر . ومقام عالیگذدن داخلیه
وکالتنده اولدینی واورادن جلب ایدیله چکی بیان ایدلمشدی .
حالبوکه آره سندن اون کون کچدیکی حالده هنوز داخلیه
وکالتندن تقریر بورایه کله مشدر . بناء علیه ؛ تسریع جلبنی
رجا ایدرم .

رئیس — تأکید ایدرز افندم ! اوراق وارده یه
کچوروز .

سلیمان سری بک (بوزغاد) — بو کون ناحیه قانونه
منحصر بر کوندر . اوراق وارده اوقونیه جقدر . او
جهت رایه قونمقجه اوله ماز .

رئیس — مخفی جلسه نیک بقیه سی حقنده قراروار .
عثمان بک (لازستان) — دیوان ریاستک داخلیه
وکالتنه تذکره سنده دیوان ریاست ذهول ایشدر ظن ایدرم .
رئیس — دیوان ریاستک ذهولی وارسه اونیده
تصحیح ایدرز .

اوراق وارده :

رئیس — افندم ! ممالک مستخلصه نیک اعماری
ایچون تشکل ایده جک هیئت فیهلر مصارفاتی اولق
اوزره نافه بودجه سنه تخصیصات علاوه سنه دائر هیئت
ویکله دن مورود لایحه قانونیه وار . موازنه مالیه انجمنه

ویریوروز .

بویوک ملت مجلسی بودجه سنک خر جراه ماده سنه
یکرمی بش سیک لیرا علاوه سنه دائر اداره هیئتک تکلیف
قانونیسی وار . موازنه مالیه انجمنه .

میری اورمانلرندن مجاناً کراسته اعطاسنه دائر قانونک
برنجی ماده سنک تفسیری حقنده اجرا وکیللری
ریاستی تذکره سی وار . قوانین مالیه واقصد انجمنلرینه
ویریوروز .

منع مسکرات قانونه توفیقاً صادر اولان حکملرک
قابلیت تمیزییهی حائر اولسنه دائر هیئت ویکله دن مورود
لایحه قانونیه وار . عدلیه انجمنه حواله ایدیوروز .

۱۱ تشرین اول ۳۳۸ تاریخلی آوانس قانونک
یدنجی ماده سنک تفسیرینه دائر اجرا وکیللری ریاستی
تذکره سی وار . قوانین وموازنه مالیه انجمنلرینه .

شورای اوقاف تشکیلاتنه دائر نظامنامه نیک دردنجی
ماده سنک تعدیلنه دائر هیئت ویکله دن مورود لایحه
قانونیه وار . شرعیه و اوقاف انجمنلرینه حواله
ایدیوروز .

زراعت بانقه سنک ۳۳۸ سنه سی وارداتی محتوی (آ)
جدولنه تخصیصات علاوه ایدلیکنه دائر هیئت ویکله دن
مورود لایحه قانونیه وار . موازنه مالیه انجمنه
کوندریوروز .

قتل ماده سندن سینوب محبوسخانه سنده محبوس محمد
افندینک مخدومی ابراهیمک بقیه مدت جزایه سنک عفوینه
دائر هیئت ویکله دن مورود لایحه قانونیه وار . عدلیه انجمنه
حواله ایدیوروز .

مجاناً کراسته قطعنه مساعده اعطاسنه دائر قانونک
برنجی ماده سنک تعدیلی حقنده آیدین مبعوثی اسعد
افندینک تکلیف قانونیسی وار . قوانین مالیه واقصد
انجمنلرینه حواله ایدیوروز .

مأمورین محاکمت انجمنی انتخاباتی حقنده
کوتاهیه مبعوثی جمیل بک تقریری وار افندم .
اوقونه جقدر .

ریاست جلیله

شورای دولت تدقیق انجمنده اوراقی بولنان برطاقم

انجمن تشکیلی ایستون و بونلرک پریشانیسنه نهایت ویرلسون !

راغب بك (کوتاهیه) — اقدام ! اکر پریشانیلق آره نیلیرسه مملکتک هر طرفنده تومن، تومندر. اونلرک حاله باقق دها اقدامدر . حالبوکه : بوکون استیضاح مسئلهسی موضوعدر . اکر استیضاح اولیه جقسه، اساساً صالحی کونلری اجتماعک سببی صرف نواحی قانوننک مذاکرهسی اولدیغندن نواحی قانونندن باشقه بر شیئه باقیله ماز .

عبدالحق توفیق بك (درس) — نواحی قانوننک مجلهسی یوق ، نه اوله جق ؟

رئیس — اقدام ! جمیل بک تکلیفی وجهله بوکون تدقیق محاکمات انجمنی انتخابی قبول ایدنلر لطفاً اللزینی قالدیرسون ! بوکون انتخاب قبول ایدلمه مشدر . اقدام ! موازنه مالیه انجمنی انتخابانه دائر تذکره وار . او قونه جق .

ریاست جلیلهیه

انجمنز اعضاسندن اولوب مأذوناً عزیمت ایدن ازنجان مبعوثی امین بکک یرینه منسوب اولدیغی برنجی شعبه دن دیگر بر ذاتک انتخابی ضمننده کیفیتک مذکور شعبهیه حوالهسی انجمن قراریه رجا اولنور اقدام .

۲۰ تشرین ثانی ۳۳۸

موازنه مالیه انجمنی رئیس

مظهر مفید

رئیس — اقدام ! شعبه سندن بر اعضا انتخابی رجا ایدیور . عدلیه انجمنی تذکرهسی وار .

بو یوک ملت مجلسی ریاست جلیلهسنه

عدلیه انجمنی مضبطه محرری مفید افندیکنک ایکنجی رئیس وکیلی وکالتنه وقوعبولان انتخابندن دولایی انحلال ایدن مذکور مضبطه محرر لکنه بیغا مبعوثی حمید بکک انتخاب ایدلبیکی برای معلومات عرض اولنور اقدام .

۱۶-۱۱-۳۸

عدلیه انجمنی رئیس

جانیک

امین

اصحاب مصالح پریشان بر صورتده ایشلرینک نتیجهسنه انتظار ایتمکدهدر . حالبوکه شعبه لردن نامزدلر کاملاً آراه اولندیغی حالده مجلسجه انجمن اعضالری هنوز انتخاب ایدلمه مشلرلدر . بناء علیه انتخابک بوکون ومستمعجلاً اجراسنی تکلیف ایلرم . ۲۰ تشرین ثانی ۳۳۸

کوتاهیه مبعوثی

جمیل

رئیس — اقدام ! جمیل بك انتخابک بوکون اجراسنی تکلیف ایدیور . فقط ؛ اساساً بو روزنامه دهدر . سری بك (بوزغاد) — استیضاحدن صکره .

راغب بك (کوتاهیه) — بوکون یالکنز نواحی قانونه حصر ایدلمشدر .

رئیس — تدقیق انجمنی اعضالری استعفا ایتشلرلدر . اعضاقلر منحلدر . بو اساساً روزنامه دهدر . بوکون انتخابک اجراسنی جمیل بك تکلیف ایدیور . اقدام ! رأی مالیکزه وضع ایدیورم .

راغب بك (کوتاهیه) — اقدام ! بوکون نواحی قانونی مذاکره ایدیه جکدر . باشقه شیئه باقیله ماز .

رئیس — اوت ؛ کون تصریح ایدیلن مسائل وارددر . فقط ؛ پونی ده رأیه قویمق مجبوریتندهیم . باشقه شی المدن کلز . رأی لریله تظاهر ایدر .

یوسف ضیابک (بتلیس) — رئیس بك ادون قرار ویرلمشدر . استیضاحک بقیه سندن باشقه بر شیئه باقیله . میه جقدر چونکه ؛ دون قرار ویرلمشدر .

رئیس — اقدام ! هیئت جلیله روزنامه سنه حاکمدر . یوسف ضیا بك (بتلیس) — بوده ، هیئت جلیله قرار ایدر .

عبدالحق توفیق بك (درس) — بر آن اول تدقیق انجمنی انتخاب ایدلسین . بونک چاره سنه باقیلسین . دوغمه یکنز . رئیس — اقدام ! مجلس مهم مسائل قارشوسکنده بولندیغی زمان ترجیحاً یایار ، بوکا دونمک دینیله منز . عبدالحق توفیق بك (درس) — استیضاحی مستعجل ،

یوقسه ، آقرره گوشه لرنده سورونن مأمورینک ایشلریمی ؟ بوکون آقرره گوشه لرنده زمهره ، زمهره مأمور معزوللری سورونبور . هر شیئندن اول تدقیق انجمنی انتخاب ایدلسین .

رئیس — افندم! او قرینا خارجیہ قومیسر لکندن
مورود تبریکنامہ دائر خارجیہ وکالتی تذکرہ سی وار
افندم او قونہ جق .

تورکیا یویوک ملت مجلسی ریاست جلیہ سنہ
او قرینا خارجیہ قومیسری امضاسیلہ خار قوفدن
یویوک ملت مجلسنک قرار اخیری مناسبتیلہ تبریکاتی حاوی
اولہرق کشیدہ ایدیلن تلغرافنامہ نک صورت مترجمہ سی
مربوطاً عرض و تقدیم ایدلشد در افندم . ۱۶ تشرین ثانی ۳۸
خارجیہ وکالتی وکیلی
حسین رؤف
آقرہ خارجیہ قومیسری عصمت پاشا حضر تلیہ
۹ تشرین ثانی ۱۹۲۲

او قرینا حکومتی نامہ سلطانک اداره مستبدہ سنک
اسقاطی و تورک ملتک تاریخندہ شایان تخطر اولان
بو کونکی بیاننامہ مناسبتیلہ تورک ملتہ برادرانہ
و حرارتکارانہ سلامری تبلیغ ایتمکله مسعودم .

بحران اٹناسندہ بوتون دنیانک ایمپریالستری قهرمان
تورکیاہ ہجوم ایدرکن ، تورک ملتک دشمنلری ائندہ مطیع
بر آلت اولان سلطان قوتی ملتک منافعنی مدافعہ ایچون
بر شی یا پامقلہ قالیور ، فقط آنا طولیدہ استخلاص ملی
حرکتنی قالدیرمق ایچون عسکرلرینی کوندرییوردی .
بوتون تورکیادہ اقتدارک کاملاً تورکیا یویوک ملت مجلسی
حکومتک یدینہ انتقالیلہ سربست و مستقل تورک دولتک
تشکلی ایچون بر دور جدید باشلامشدر . و هیچ شہہ سز
تورک ملتک تمامی مظفریتنی انتاج ایدہ جکدر . او قرینا
ملتی استخلاص قطعی اوغرنده قرداش تورک ملتک
قهر مانجہ مجادلہ سی صفحتانی اک جانلی بر محبت و تقدیر
جساریلہ تعقیب ایتمکدہ در . بو یکی جہہ دہ کی ظفری — کہ
اہیتی دیکرندن آزدکلدر . — تبریکلہ بختیاردر .

یاشاسون تورک ملتک عنزم وامللرینک یکانہ استنادکاهی
یویوک ملت مجلسنک قوت و اقتداری !

خارجیہ قومیسری
آدنت قاناپسکی
رئیس — افندم دیوان ریاست ہیئت جلیہ نامہ ایجاب

ایدن جوایی یازار .

یویوک ملت مجلسنہ عرض انقیادی حاوی تلغرافلر
واردر .

یوسف ضیا بک (بتلیس) — رئیس بک عرض
انقیاد نہ دیمک ؟
رئیس — افندم ! استخلاص ایدیلن یرلردن گلشدر .
او قونہ جقدر .

آفسرای دارالمعلمات مدیری حلمی بکدن ، تجارت
مکتبہ عالیسی طلبہ جمعیتی طرفندن ، اورمان مکتبہ
عالیسی ہیئت اداره و تعلیمیہ سی نامہ صالح بکدن ، ملنی
شورای دولت باش کابی نہاد بکدن ، مقری کوی بز فاریقہ سی
مدیری خلوصی بکدن ، خیرات شریفہ خدمہ جمعیتی
رئیس سلطان احمد جامع شریفی امام اولی حسن فہمی
ورفقاسی طرفندن ، بک اوغلی مکتبہ سلطانی مدیری
صالح عارف بکدن ، مقری کوی بز فاریقہ سی برنجی
صنف کتبہ عسکریہ سنیدن ویسی افندی طرفندن ، عموم
معونہ و صلابوریہ جی اصنانی رئیس احمد رفیق بک
ورفقلمی طرفندن . .

رئیس — اردویہ تشکری حاوی قرق کلیسا موسوی
جماعت رئیس ایلہ برہانیہ قائم مقامی طرفندن تلغرافلر وار .
ایجاب ایدن جوابلر دیوان ریاستدن یازیلیر .
استانبولہ کیدہ ہک ہیئتہ و بر بک مخصوصاً دائر
دیوانہ قراری :

رئیس — افندم ! استانبولہ کیدہ ہک ہیئت اعضاسنہ
مقطوعاً (ایکیشریوز لیرا) اعطاسنہ دائر دیوان ریاست
قراری وار . او قونہ جقدر :

ہیئت عمومیہ
خلیفہ مسلمین حضر تلیہ تورکیا یویوک ملت مجلسی
نامہ بر موجب شرع شریف عرض بیعت و تبریکات ایلہ بک
وامانات مقدسہ یی تسلیم ایتمک اوزرہ ہیئت عمومیہ نک
۲۰ تشرین ثانی ۳۳۸ تاریخلی یوز قرق برنجی اجتماعندہ
انتخاب بو یورلمش و عین مقصدلہ بر موجب نظامنامہ دیوان
ریاستجہ تفریق قیلنمش اولان ہیئت مخصوصہ اعضاسنہ
مقطوعاً ایکیشریوز لیرا خرچراہ اعطاسی دیوان ریاستک

۲۰ - ۱۱ - ۳۳۸ تاریخی اجتماعنده تنسیب ایدلش اولمقله بوگون حرکت ایدنه جك اولان رفقای محترمه یه عائد بوئان بوایشك در حال آنتاجی رجاسیله هیئت عمومیه نك نظر تصویبینه عرض اولنور اقدم .

بو یوك ملت مجلسی رئیس ثانیسی

دوقتور عدنان

صالح افندی (اضروم) - اقدم ! پاره سزلقدن بحث ایتك ایجاب ایدیورسده فقط شونی ده قبول ایتك ایجاب ایدر که : هر هانکی بر مملکتده هر هانکی بریره کیدن آرقداشلر مزه سکیز انکایز لیراسی قدر بریومیه ویریلور بوگون استانبولده پارسدن ، لوندردن کیری قالیر بر شهر دکادر . بنده کزجه مادامکه : مجلس عالینک شرف وحیثیتی نامنه بر طاقم آرقداشلر مز باقرعه کیدیورلر . بو آرقداشلر مز صورت قطعیه ده ایچی یوز لیرا ایله کیدوب کله مز لر (کورولتیلر) مساعد کزله بن کندی فکری می عرض ایدیم . سزده کندی فکری کیزی سویلر سکیز . بناء علیه ؛ استانبوله کیده جك آرقداشلر مزنگ بعضیلرینک البسه سی بوز بعضیسی باشقه بر نك البسه

حاجی شکر ی بك (دیار بکر) - دها آی ملی

البسه

صالح افندی (دوامله) - مع الاسف بزم ملی البسه مز یوقدر . بناء علیه ؛ آرقداشلر رجا ایدیورم . هر حالده بونی قبول ایدیکز . (کورولتیلر) بونی قبول بو یوریکز آرقداشلر مز اوراده اون کون قاله جقدر . احتمال قارشوسنه چیقه جق . براقچ فقرا یه ده پاره ویره جکدر . بو افندیلره هیچ اولمازسه اوچر یوز لیرا ویرلسنی تکلیف ایدیورم قبول ایدوب ایتمه مک هیئت جلیله نك رأینه وابسته در . نجاتی بك (لازستان) - افندیلر ! اسلامک عادات و اصولندن در که شرفلی و مبارک و متیمن کوندر هر کس تمیز اثواب کیمک و بوئون مفاخر اسلامیه سنی کوزتمک ایچون وارینی ، یوغنی صرف ایدر . بوو اسلامک عاد - تندن در . (دوغری صدالری) بوگون بزم ایچون هر حالده بر بایرامدر . و ملت اسلامیه ایچون بك بو یوك بر بایرامدر .

آرقداشلر یو خصوصده بك اقتصاده رعایت ایتمشلر در کاشکی دیگر خصوصاً ده اقتصاده رعایت ایتسه ایدیلر ده بو آرقداشلر بیکر لیرا ویرسه ایدیلر ده موافق اولوردی و حقیقه بویله در . چوق استرحام ایدرم . بیلیر سکیز که بو ملتک بش پاره سنی هیچ بریمز اسراف ایتمک ایسته مه یز و بونده جمله مز متفقز . هیئت علیه کز اسراف و تبذیر علیهنده قرار ویرمشدر . فقط بو اسراف و تبذیر دکدر اسلامیتک شرفی اعلادر . بو نك ایچون بنده کز بو پاره یی آز کور بیورم . بشر یوز لیرا ویرلسنی تکلیف ایدیورم . چوق رجا ایدرم . مسئله طایت ناز کدر . برغایه مقدسه ایچون کیدیورلر . و اویله خلق ایچروسنده هر کسک متفرق البسه ایله کیتمه سنک زمانی دکدر . هر حالده ایوجه کینملری لازمدر . تکرار ایدیورم . پاره نك فضله جه صرفندن ، اسرافندن قورقارز . و هممز اسرافک علیهنده یز فقط بو خصوصده دکادر . آرقداشلر ؛ هر حالده هیئت اسلامیه یی ؛ نور کبابی تمثیل ایده جکدر . (دوغری صدالری) (کورولتیلر)

رئیس - اقدم ! بویله کورولتی اولورسه بالطبع بورایه کیمسه چیقاماز رجا ایدرم .

عبدالله افندی (آطه پازاری) - رئیس بك ! اصوله عائد سویلیه جکم . دیوان ریاست استانبوله کیده جك اولان آرقداشلر مز ایچون بر خر جراه تعیین ایتمش و قرار ویرمش . بومسئله حقنده هیئت جلیله ده مذا کره آچیلسمی و مناقشه ایدلسی دوغری دکدر . دوغری دن دوغری یه رأیه قومسی لازمدر . مجلسک اصولندن در .

رئیس - اقدم ! پاره یه عائد بر مسئله اولدینی ایچون هیئت جلیله ده مذا کره ضروریدر . و آرقداشلر مزده اسیر که میورلر ! بیك لیرا تکلیف ایدیورلر . بو یورک سامی بك !

سامی بك (ایچ ایل) - اقدم ! استانبوله کیده جك هیئت کرامه ویریله جك اولان پاره نك هر حالده بونلرک احتیاجانه قارشولق اولدینی شهه سزدر . فقط ؛ بو احتیاجاتی صرف قاتلری ایله قیاس ایتمک ضرورتی ده وارددر . ایشیتدیکمز کوره کیده جك هیئت کرامک شهر اماتی طرفندن مسافر

کوندردیکمز آرقداشلره ، بعض کره بوویردیکمز پاره نك همان هپسنى برکون ایچون ویردیکمز دخی اولیور . لطفاً مجلس عالی بویله فوق العاده برشی ایچون وهله بویله بویوک بر مراسم ایچون بو قدر پاره نی چوق کورمه سون . دیوان ریاست بو مقداری مناسب کوردی و قبولنی تکلیف ایدیور .

رئیس — افندم دها بش آلتی آرقداش سوز آلمشدر عین زمانده برده کفایت تقریری وارددر (کافی سسلری) ریاست جلیلهیه
مذا کره کافیدر دیوان ریاست قرارینک رایه وضعنی تکلیف ایدرم .

سعد
قدری

رئیس — بو تقریری رای عالیترینه وضع ایدیورم . مذا کره نی کافی کورنلر لطفاً ال قالدیرسون . مذا کره کافی کورولمشدر ... افندم بعض آرقداشلر مز تزیدینی طلب ایدیورلر فقط بو طلبلری رایه قویه میه جنم .

یاسین بک (غازی عینتاب) — اساساً تکلیف مغایر اصولدر . بناء علیه تزید تکلیفی ده اصوله مغایردر . دیوان ریاستک تکلیفی موازنه مالیه دن کچمش دکدر . دوغریدن دوغری به اورته دن ویریه جک بر پاره در . اونک ایچون تزید تقریری رایه قونیه ماز .

رئیس — افندم تزید تقریرینی رایه قویق ایچون قناعتی اظهار ایتم . هیئت جلیله قبول ایدرسه اوباشقه نظامنامه من صریحدر . یالکیز یوز لیرا تنزیلی ایچون .. ساهی بکک بر تقریری وارددر :

ریاست جلیلهیه

استانبوله کیده حث هیئت کرامه مصارف اولمق اوزره مقطوعاً یوز لیرا اعطاسنی تکلیف ایلم .

ایچ ایل

محمد ساهی

رئیس — افندم ! شو تقریره کوره یوز لیرا ویرلسنی قبول ایدنلر لطفاً ال قالدیرسون . قبول ایلمه دی . دیوان ریاستک تکلیفی رای عالیترینه وضع ایدیورم . (دیوان

ایدیله جکی و کندیلرینک هر دورلو مصارفاقی استانبولجه تأمین ایدیله جکی سو بویه نیور . بو حال بویله اولدقدن صکره اونلرک بوراده یابه جق هیچ بر مصرفی یوقدر . (البسه یابه جقلردر صدالری) مساعده بو یورک البسه یابه جقلر سه آلدیغی البسه سنی صکره کیه جکدر . آقره دن استانبوله قدر بردفعه شمندوفر اجرتی یوقدر . باصو ایله کیده جکلردر . واستانبوله ایسه هیچ بروسائط نقلیه یه پاره صرف اتمیه جکلردر . باصو ایله کیده جکلردر . وعینی زمانده شهر امانتده مسافر اوله جقلرینه نظراً اعاشه ایچون ده بش پاره ویریه جکلری معلومدر . ویریه جک پاره ندر ؟ آکلامیورم .

یوسف ضیابک (بتلیس) — پاره سنز طالب چوقدر . ساهی بک (ایچ ایل) (دوامله) — بناء علیه اوراچه یایله جق اوافق تفک مصارف لرینه و کندیلرینک البسه لری یکسنق اولملری ایچون بو پاره نك یوز لیرا اولمق اوزره قبولنی تکلیف ایدرم . بو پاره کافیدر .

عدنان بک (استانبول) — رئیس بک بنده کز ایضاحات ویره می . اولاً اصول مذا کره به عائد حافظ عبدالله افندی بو یوردیلر که : مذا کره ایلمه سین حقیقه خرجراه علی العاده خرجراه اولسه ایدی ، بورایه کلزدی ، فقط بز علی العاده خرجراهی حساب ایتمک یومیه برحق لیرا ایکی لیرا برشی طوتار . اونک ایچون دیوان مقطوعاً بر خرجراه ویرمکی تنسیب ایتمی بونی کندی کندیلرینه ویره مز بناء علیه هیئت علیه کزه کلشدر . اونک ایچون مذا کره ایدیلیور : صکره بعض آرقداشلر بو یوردیلر که آذرر . حقیقه او بو مجلسک سماحتنه ویا دوشونوشنه باغلی برشی در . فقط بز ایکی یوز لیرا تقدیر ایتمک . ایکی یوز لیرا چوقدر یویوران آرقداشلرده وارددر . فقط دیگر آرقداشلرده بونلره جواب ویرمشدر . بونلری شهر اماتی مسافر ایده جکدر دیه قطعی برشی یوقدر . بو عقله کلش برشیدر . مطلقاً مسافر ایده جکدر دیه برشی یوق . صکره افندم آرابه پاره سی ، شو پاره سی ، بیلم نه پاره سیدر دیه شمدیدن بوراده تعیین ایده مه یز . و صکره چوقدر یویوران آرقداشلره قارشى دیرم که آورو یابه

ریاست قراری تکرار او قوندی) (تعیین اسامی لازمدر ایسته من صدری)

سلیمان سری بك (یوزغاد) — شو ایستیلن ایکشر یوز لیرا ا کر مجلسك اولجه قبول ایدلمش اولان خر جراه فصلندن چیقمش اولسه دی تعیین اسامی به حاجت یوقدی . فقط دیوان ریاست شمیدی تهریره خر جراه تخصیصاتك بیتدیكندن بخله یکیدن تخصیصات ایستدیكنه نظراً بواره یکیدن ویره جك تخصیصاتن چیقه جقدر . بناء علیه؛ تعیین اسامی ایله رایه وضعی لازمدر . حسین بك (مرعش) — تخصیصات منضمه ایستمك باشقه؛ موجود تخصیصاتن صرف ایتمك باشقه در .

رئیس — افندم ! خر جراه فوق العاده خر جراهی اولدینی ایچون مقدارینی تجاوز ایدیور . بك افندیك بو یوزدقلری کبی اولسه بیله صرفیاتی باشقه در و تعیین اسامی ایله رایه وضعی لازمدر . لطفاً رأی بیکیزی استعمال بو یوز بکنز .

یاسین بك (غازی عینتاب) — بومسئله نك تعیین اسامی ایله رایه وضعی علمینده سویلیه جکم .

رئیس — افندم ! تعیین اسامی ایله رایه وضعی تقرر ایتدی .

مظهر مفید بك (حکاری) — رئیس بك شونی مناقصه به قویسه کز آ.. مجاناً کیده جکار وار !

[آرا استحصال ایدلدی]

رئیس — افندم ! رأینی استعمال ایتمن آرقداش وارمی ؟ استحصال آرا ختام بولمشدر .

عربی انجمنی مضیطلری :

افندم ! مضیطلر وار . تصنیفی یا پیلانجه به قدر اونلری عرض ایده جکم ...

استقلال محکمه سی محکوملرندن قیصریده محبوس سیف الله ورفقاسی امضالی استدها حقنده قره بك وسیف اللهك عفو طلبلرینك ردینه ، مستدعیلردن بروسه لی حقنك تخلیه سیلنه و سیوریحصارلی حقینك سبب محکومیتنك محلندن استفسارینه دائر عدلیه انجمننك مضیطله سی... بو مضیطله اوج جهتی احتوا ایدیور . بعضلرینك طلبلرینك

ردینی بعضیسنك حقنده کی معامله نك عاقد اولدینی وکلندن سؤال ایدلمسینی ، و بعضیسنك تخلیه اولمسی خصوصلرینی احتوا ایدیور . اولاً تخلیه یی ترجیحاً ...

سلیمان سری بك (یوزغاد) — رئیس بك ! بر کره مضیطله یی دیکیلم .

رئیس — مساعده کزله افندم .. دیگر لرینی روزنامه به آلمق مجبوریتنده ز . یالکیز استعجال ایده جکمز تخلیه ، عفو مسئله لریدر . بو آدم عفو ایدیلیرسه تخلیه به قرار ویرلکدن صکره بونی اصولسز اوله رق طوته مایز . بناء علیه مجلس عالی قرارینی اظهار ایدر . دیگر لرینی ده روزنامه به آلمق ، مذاکره ایتمك ضروریدر . بر قسمی ایچون عفو واردر . اونك ایچون مضیطله یی او قومق مجبوریتنده ز .

هیئت عمومی به

استقلال محکمه سی محکوملرندن اولوب قیصری حبس خانه سنده محبوس بولنان قیصریلی چنانچلی اوغلی قره بك و دده لیلی سیف الله وروسه لی حق و سیوریحصارلی علی رضا امضالریله استحصال عفو متدائر اعطا اولنان ۱۴ ایلول ۳۳۸ تاریخلی استدها هیئت عمومی به قراریه عدلیه انجمننه تودیع قیلنمش اولقله انجمنك ۱۲ - ۱۱ - ۳۳۸ تاریخلی اجتماعنده مذکور استدها ایله جانب ریاستندن بالطلب تودیع قیلنان اساس حکم اوراقی مطالعه و اقتضایی مذاکره اولندی . انجمننجه تدقیق ایدیلن اوراق اساسیه مندرجاتنه نظراً مستدعیلردن قره بك قطعه سندن فرار ایدرک انشای فرارنده قیصری شعبه رئیسنك امضاسنی تقلید ایله ساخته کارلقده بولنمسنن ناشی اون سنه و دده لیلی سیف اللهك مکرراً جبهه دن فرار ایتمش افراددن اولماسندن دولایی مؤید کوره که محکوم ایدلدلکری و مرتکبی اولدقلری افعالکده عفو قانوننك تاریخ نشرنندن صکره اشاع ایدلمش اولمسنه مبنی کرک تاریخ جرم و کرک مرتکب اولدقلری افعال ایجابی اوله رق عفودن مستفید اوله میه جقلری کبی خصوصی بر عفو مظهریتلری ایچون دخی بر سبب کوریه مه مش اولدیغندن بویاده کی طلبلرینك ردینه و مستدعیلردن بروسه لی حق به کنجه : مرقوم خیانت وطنیه مجرمی اوله رق استقلال محکمه سنه سوق ایدلمش

وبالحاكمه برائتته قرار ويريلهرك معامله عسكريه سنك
 ايفاسى ضمننده شعبهيه تسليمه لزوم كوسترلمش و بناء عليه
 مرقوم حقهده مدار مجوسيت بر حكم غير موجود بولنش
 اولا يغندن سبب آخره مبنى موقوف و مجوس دكل ايسه
 اخلاى سيلنك و سيور بحصارلى على رضا حقهده تدقيق
 اولنان اوراق اوزرنده بر حكم موجود اولمايوب آنجق
 حبسخانه مدير يتك در كنارنده مرقومك ده محكوملر
 مياننده اولديني كوسترلديكندن سبب مجوسيتنك محلندن
 استفاريتك عدليه وكالت محترمه سنه انباسى ضمننده هيئت
 عموميه عرضنه متفقاً قرار ويرلدى .

كاتب	مضبطة محررى	عدليه انجمنى رئيسى
اسپارطه	..	جانيك
محمد طاهر		امين
اعضا	اعضا	اعضا
قيصرى	قره حصار صاحب	بيغا
ثابت	اسماعيل شكرى	حميد
	اعضا	
	مرعش	
	حسيد	

رئيس — عدليه انجمنى بروسهلى حقيقتك تخليه سنى
 تكليف ايدىيور . هيئت عليه نك بوكا بر قرار ويرمى
 لازمدر . ديكر خصوصاتده قره بك و سيف اللهك
 عفويتك ردىنى متضمن اولان مضبطه لرئى روزنامهيه
 آليورز . سيور بحصارلى على رضانتك ده موقوفيتك
 سببى عدليه وكالتندن سؤال ايدىيورز . رأى عاليرينه
 يالكز تخليه سبيله عائد اولان مضبطهيه عرض ايدى جكم .
 عبدالحق توفيق بك (درسم) — عدليه انجمنى
 بوبابده ايضاحات ويرسون .

حميد بك (بيغا) (عدليه انجمنى مضبطه محررى) —
 افندم ! هيئت جليله كز قراريله عدليه انجمنه توديع
 ايدلمش استدعاده درت شخص عفولرئى طلب ايدىيورلر .
 انجمنكز ديوان رياستدن ، استقلال محكمه لرندن مدور
 اوراقى طلب ايتدى . تدقيق ايتدى . نتيجه تدقيقاننده
 قره بكك قطعه سندن فرأرئى متعاقب قيصرى اخذ عسكـ

شعبهسى رئيسى رحى بكك امضاسنى تقليد ايدىورك ،
 كندىمنى افراد مآذونه دن اولهرق بيلدىرن ساخنه وثيقه
 تنظيم و بووثيقهيه حامل اولهرق طوتولديغندن دولايى
 اون سنهيه ...

سليمان سرى بك (يوزغاد) — رئيس بك ! ظن
 ايدرم ، ايضاحاتى تخليه سى ايجاب ايدنلر حقهده
 ويره جك . تخليه سى ايجاب ايدن بروسهلى حقى حقهده
 سويليه جكدر .

حميد بك (دوامله) — كذلك انجمنكز كندىيسنك
 نظر دقنه عرض ايدىين استدعاده بروسهلى حقى اسمنده
 بر ذاتك محكوميتندن بحث ايدىيور . انجمنكز مرقوم
 حقهده كى اوراقى ده ديوان رياستدن طلب ايتدى . نتيجه
 اولهرق بروسهلى حقى خيانت وطنيه دن مظنون اولهرق
 استقلال محكمه سنه سيق ايدلمش ، نتيجه محاكمه ده
 كندىيسنك خيانت وطنيه دن دولايى تجزيه سى قانونى
 كوريله ميرهرك برائتته و آنجق معامله عسكريه سنك ايفاسى
 ضمننده شعبهيه تسليمه قرار ويرلمشدر . مرقوم
 محكومين مياننده كوسترلمش اولمقله بونك محكوميتى حقهده
 استقلال محكمه سندن صدور ايتش بر قرار يوقدر . بوآدم
 حقهده باشقهجه محكوميته سبب اولمادىنى تقدردده تخليه سى
 لازمكلىور . بناء عليه انجمنكزك تدقيقاتى علنه تبليغ
 ايدلم . تدقيقات ياپلسون . باشقه برسبيله محكوم دكلسه
 تخليه ايدلمسى لازمدر . مضبطه نك بوشكده قبولى بنده كز
 انجن نامنه عرض و طلب ايدىيورم .

سليمان سرى بك (يوزغاد) — بوآدم استقلال
 محكمه سنجه خيانت وطنيه جرميله مى ، اوقانونه توفيقامى
 محكوم ايدلمشدر ؟

حميد بك (بيغا) — مساعده بوورك . بوآدم
 خيانت وطنيه جرمندن دولايى مظنون اولهرق سوق
 ايدنش و استقلال محكمه سى بالحاكمه بوشخصك افعال
 و حر كاتنده خيانت وطنيه جرمى كوره مدبكنندن دولايى
 برائتته قرار ويرمشدر . مكلفيت عسكريه اربانندن
 بولماسنه بناء شعبهيه تسليمه قرار ويرلمشدر . شوخالده
 اورتهده محكوميته و مجوسيته سبب يوقدر . شوخالده

تخلیه سی ایجاب ای دیور .

رئیس — اقدام بومضبطه بی رایه قویه جنم . یالکز
بعض خصوصات وار . اولری ده عرض ایده یمده اوندن
صکره .

آطنه اشغال دورندن دوراً آلتان دردست رؤیت
مسائل ایله اشغال آتاسنده حکمه ربط اولوب اکتساب
قطعیت ایتمه یین ویا ای دوبده دردست اجرا بولتان مواد
قانونیه حقنده اجرا ویکلرنجه تنظیم قیلنان لایحه یه دائر
عدلیه انجمنی مضبطه سی وار . روزنامه به آلیورز .
بومضبطه نکه ده رایه قومی ایچون اکثریت اولق
لازمکلیر .

استانبوله کیده جک هیئته ویرلسی لازمکن خرجراه
ایچون رایه اشتراک ایدن ذواتک عددی ۱۴۴ در . ۱۱۹
قبول ، ۲۰ رد ، ۵ مستکف وار . بوکا نظراً نصاب
یوقدر .

اون دقیقه جلسه بی تعطیل ای دیورم .

ختم جلسه
دقیقه ساعت
۳۰ ۲

ایکینجی جلسه

براً مذاکرات

دقیقه ساعت
۴۰ ۲

[رئیس — برنجی رئیس وکیلی حسین عونی بک]
کاتبلی: محمود سعید بک (موش)، ضیا خورشید بک (لازستان)

رئیس — جلسه بی آچورم . اقدام اولکی جلسه ده
عدلیه انجمنک مضبطه سی رایه وضع ایده مه مشدک .
شمدی تکرار او قوبورز ، رایه وضع ایده جکم . مضبطه
تکرار او قوندی . اوچ جهتی کافل اولان بومضبطه بی
رایه قویمازدن اول ایضاح ای دیورم . استقلال محکمه سنجه
محکوم اولان قیصریلی سیف الله ورفقاسنک عقولرینه
دائر قرار وار . ردایدلش بوجهتی روزنامه به آلیورم .
مستدعیلردن بروسه لی حقینک تخلیه سیبلی مذکوردر .
بوجهتی رأی عالیلرینه وضع ای دیورم . مضبطه موجنبجه

باشقه صورتله محکومیتی ایجاب ای تیرن حال یوقسیسه
حقارنده تخلیه سیبلیری اجرا ایدلک ؛ بومصورتله قبول
بویوزنلر لطفاً آل قالدیرسون ! قبول ایدلشدر .

سیوریحصارلی حق وار . اسباب محکومیتی عدلیه
وکالتندن سؤال ای دیلیور . اورایه کوندیریورز .

حمدی بکک سؤال تقریری وار . اونی او قوتدیریورز .
عثمان بک (قیصری) — بزنده سؤال تقریریمز
واردی . نه اولدی ؟

رئیس — جوابی کلدیکنده او قوتدیررز . (او قوندی)
ریاست جلیله

۳۸ / ۱۱ / ۲۱

لوندردن بعض آوروپا غزته لرینه عکس ای تدریلن
خبرلر کوره حکومت ملیه مز لوندردن محافل مالیه سنه بر
استقراض عقدی خصوصنده مراجعت ایتمش . صلح
قونفرانسک عرفه انعقادنده . بوکبی خبرلر اشاعه ایدلکله
وضعیتمز ضعیف کوسترلمک ، دوستلریمز شهبه یه
دوشورلمک ایسته نیلیور . مالیه وکیلی بک افندیدن کیفیتک
شفاهاً سؤال ایدلسنی تکلیف ایدرم . طرزون

نی زاده حمدی

مالیه وکیلی حسن فهمی بک (کشخانه) — افندیلر!
مالیه وکالتی نه لوندردده ، نه پارسده ، نه آوروپانک هیچ
بر شهرنده استقراض تشبثنده بولنمامشدر . استقراض
تشبثی ایجاب ایده جک نه بر تکلیف ، نده بر کله دخی
صرف ایتمه مشدر . بو خبر یالاندر . بو کونکی مملکت مرک
حال مالیه سی نه داخلی ونده خارجی استقراضه احتیاجمز بوقدر .
(آلفیشلر) [هذا من فضل ربی] مملکت مزه ، تماماً
حدود ملیزه حاکم اولدق ، وارداتمز مصارف اتیزی تماماً
تأمین ایده جک قدرت وماهیته در . تعرضدن اول تعرضی
احضار ایچون فضله صرفیات دولایسیله وارداتی مساعد
اولیمان براق اولاده مأمورلرک برایی معاشی تداخل ایتمشدی
بوکون بونلری تماماً تسویه ایتدک . مأمورینمز مرکزده
اولدینی کبی هر ایشله مش اولدینی یرده معاشلرینی تماماً
ویرمک قدرتی حائز . مملکت بوقدرت مالیه مالکدر .
(براوو صدالری) بونک ایچون خارجدن اشاعه ایدیلن

اجتماع آئی روزنامہ سی

ضبط سابقہ مندرجہ سے

اور اسے واروہ:

- ۱۔ طونہ لی حلی بک علیدار واپوری مرتبہ تانک تالیف لریتہ دائرہ نفی تقریری
- ۲۔ (چانچور) قضاسی نامنک (مطلقہ) یہ تبدیلی حقندہ کی کنج معنوی حمدی بک تکلیف قانونیسی
- ۳۔ انجمن لری دن انتخاباتہ هاند مورود تذکرہ لری .

مضبطہ لری

تیبہ دلتی نورالدین حقندہ کی خیانت وطنیہ حکمنک رقمیلہ احکام عمومیہ دائرہ سندہ معاملہ ایفا آیدیک اوزرہ اور اقل عدلیہ وکالتہ تودیئہ دائرہ عدلیہ انجمنی مضبطہ سی

حمید اوغلی یوسفک بقیہ مدت جزائیہ سنک عفوی حقندہ کی لایحہ قانونیہ بک تصدیقہ دائرہ عدلیہ انجمنی مضبطہ سی

خبر لری بر مقصد مخصوص تحتندہ غز تہ لریک یاز دینی سوز لری در .
یونلری بورادن تکذیب اییدیورم . (هانکی غز تہ لری یاز مش
سس لری)

رئیس — اقدام ! دونکی مذا کر انک بقیہ سنہ دوام
ایتمک ایچون جلسہ خفیہ یابہ جفر . سامعینک سالونی تخلیه
ایتملری رجا ایدرم .

دقیقہ ساعت

۱ ..

اوپنچی جلسہ خفیدر